

## **Թրանսփարենսի Ինթերնեշնլ-ի 2008թ. կոռուպցիայի ընկալման համաթիվը Տարածաշրջանի վերաբերյալ հիմնական տվյալներ՝ Հարավարևելյան Եվրոպա եւ Կենտրոնական Ասիա**

Թրանսփարենսի Ինթերնեշնլ-ի (ԹԻ) կոռուպցիայի ընկալման 2008թ. համաթիվը (ԿԸՀ) հստակորեն մատնանշում է, որ Հարավարևելյան Եվրոպայում եւ Ետխորհրդային երկրներում կոռուպցիան մնում է որպես լուրջ հիմնախնդիր: Բոլոր 20 երկրներն էլ (7 Հարավարևելյան եւ 13 Ետխորհրդային) գրանցել են 5-ից ցածր արժեք (0-ից 10-ը միավորանոց սանդղակով), ինչը ցույց է տալիս, որ այդ պետությունների մեծ մասում դրսևորվել է կոռուպցիայի ընկալման բարձր մակարդակ:

Չնայած լայնածավալ բարեփոխումների անցկացմանն ու Եվրամիությանն անդամակցության նախապատրաստման գործընթացից բխող խթաններին՝ Խորվաթիայում, Մակեդոնիայում, Մոնտենեգրոյում, Սերբիայում ու Բոսնիա-Հերցեգովինայում դեռևս զգալի առաջընթաց չի նկատվել կոռուպցիայի դեմ պայքարում: Տարածաշրջանի՝ Եվրամիության անդամակցությանը հավակնող գործնականում ոչ մի երկրում, բացառությամբ Թուրքիայի եւ Ալբանիայի, կոռուպցիայի դեմ պայքարը նշանակալի հաջողությամբ չի պսակվել, թեպետ այդ ուղղությամբ ձեռք առնված միջոցներին եւ պետության ղեկավարների խոստումներին, այն է՝ կոռուպցիայի դեմ պայքարը դարձնել բարեփոխումների առանցք:

Հարավարևելյան Եվրոպայում ներկայումս կոռուպցիայի ընկալման ցածր մակարդակով աչքի ընկած եւ նախնական տարբերություն գրանցած միակ երկու երկրներից մեկը ԵՄ անդամակցության հնարավոր թեկնածու Ալբանիան է, մյուսը՝ ԵՄ թեկնածու Թուրքիան: Այդուհանդերձ, Եվրամիությանն անդամակցության գործընթացը դեռևս չի կարող դիտվել որպես հակակոռուպցիոն պայքարի հուսալի միջոց:

Ետխորհրդային բոլոր երկրների թվում միայն Վրաստանում է նկատվել որոշակի առաջընթաց, մինչդեռ Ռուսաստանի եւ Ուկրաինայի միավորները շարունակում են նվազել: Ադրբեյջանի արժեքները 2007-ի համեմատ 2008-ին նվազել է 0.2-ով: Կենտրոնական Ասիայի երկրների մեծ մասը մնացել է նույն ցածր մակարդակում կամ զգալի ետընթաց է ապրել, ինչպես օրինակ Ղրղզստանը, որը 2007թ. ԿԸՀ 2.1 արժեքի փոխարեն 2008-ին գրանցել է 1.8 արժեք:

Երկրի դիրքը	Երկրի դիրքը տարածաշրջանում	Երկիր/տարածք	2008թ. ԿԸՀ արժեքը	Վստահելիություն միջակայք	Հարցումների քանակը
58	1	Թուրքիա	4.6	4.1 - 5.1	7
62	2	Խորվաթիա	4.4	4.0 - 4.8	8
67	3	Վրաստան	3.9	3.2 - 4.6	7
72	4	Մակեդոնիա (ՆՀՀ)	3.6	2.9 - 4.3	6
85	5	Ալբանիա	3.4	3.3 - 3.4	5
85	5	Մոնտենեգրո	3.4	2.5 - 4.0	5
85	5	Սերբիա	3.4	3.0 - 4.0	6
92	8	Բոսնիա- Հերցեգովինա	3.2	2.9 - 3.5	7
102	9	Մոնղոլիա	3.0	2.6 - 3.3	7
109	10	Հայաստան	2.9	2.6 - 3.1	7
109	10	Մոլդովա	2.9	2.4 - 3.7	7
134	12	Ուկրաինա	2.5	2.2 - 2.8	8
145	13	Ղազախստան	2.2	1.8 - 2.7	6
147	14	Ռուսաստան	2.1	1.9 - 2.5	8
151	15	Բելառուս	2.0	1.6 - 2.5	5
151	15	Տաջիկստան	2.0	1.7 - 2.3	8
158	17	Ադրբեջան	1.9	1.7 - 2.1	8
166	18	Թուրքմենստան	1.8	1.5 - 2.2	5
166	18	Ղրղզստան	1.8	1.7 - 1.9	7
166	18	Ուզբեկստան	1.8	1.5 - 2.2	8